



09.11.2022

UKA2022/94
Jens Napätök', Naleraq

Aalajangiiffisassatut siunnersuut, Upernavimmi Uummannamilu, nunaqarfiillu eqqaaniit-tuni eqqaaveqarneq pillugu Naalackersuisut nalunaarusiussasut, nalunaarusiaq agguaan-neqassaaq UKA2023-imi. Nalunaarummi erseqqissarneqarsimassaaq, eqqakkanik isumagin-ninneq qanoq allatut suliarneqarsinnaanersoq, ukiuni arlalippassuarni atasinnaasunik, kias-sarnikkut inaallagiaqarnikkullu iluaqutaasinnaasunik sanaartussagaanni, qanorlu aningaa-saqarnikkut kinguneqassanersoq.

(Inatsisartunut ilaasortaq Aqqalu C. Jerimiassen, Atassut)

Siullermeerineq:

Naleqqamiit Inatsisartunut ilaasortaq Aqqalu C. Jeremiassen, Atassut, aalajangiiffisassatut siun-nersuummik saqqummiussaqaqarneranut qutsavigerusupparput, siunnersuutaalu Avannaani eqqagas-salerinerup amigarnera pillugu taamatullu eqqagassalerineq qanoq allatut suliarineqarsinnaanersoq siunnersuuteqartup ujartugaa Naleqqamiit paasilluarparput imatullu siunnersuut oqaaseqarfigisa-varput.

Upernavimmi Uummannamilu taamatullu pineqartut nunaqarfii amerlasuut pillugit eqqaaveqarneq pillugu Naalackersuisut nalunaarusiussasut ukiakkut 2023-imi agguanneqartussamik siunnersuute-qartup siunnersuutigaa, nalunaarusiamilu erseqqissaqquneqarpoq eqqakkanik isumaginninneq qanoq allatut suliarineqarsinnaanersoq ukiuni arlalippassuarni atasinnaasunik, kiassarnikkut innaal-lagiaqarnikkullu iluaqutaasinnaasunik sanaartussagaanni, tamannalu aningaasaqarnikkut qanoq kinguneqassanersoq.

Upernavimmi Uummannamilu taamatullu nunaqarfinni eqqaaveqarnikkut killiffik kinguarsar-neqaqqissinnaanngitsumik killiffeqartoq kialluunniit malinnaasup nalunagulu takusinnaavaa.



Siornatigut eqqaavinnik ikuallaasarneq illoqarfik pujumik tipersuarmik toqunartortalinnik ulikkaartumik pujuinnangorlugu ikuallaasarneq ingerlanneqartarnikuusooq maannakkut oqaluttuaannangorluni inissisimaleraluartoq annikitsumik aqutaasumik ikuallaasarneq inatsisit malillugit maanna ingerlanniarneqartoq unamminartorpassuaqarpoq.

Taamatut aqutaasumik ikuallaasernerup aammalu akuersissutaasussat akuerineqarnissaat sivisullaamik suliariniarneqartarneranni eqqaaveqarnikkut ilungersunartorujussuarmik maanna avannaani sumiiffippassuarni eqqaaveqarnikkut inissisimalersimavugut allaat eqqaaveqarnikkut akuersarneqarsinnaanngitsumik kinguarsarneqaaqqissinnaanngitsumillu inissisimalersimasumik oqaatigisariaqartumik killeqarpoq avannaani eqqaaveqarneq.

Sulisut atugaat ajorluinnarput Kalaallit Nunaanni sullivinnik nakkutilliisoqarfik (arbejdstilsyni) suleriaatsit peqqinnangilluinnartut taakkartortarsimasaat akuersarneqarsinnaanngitsut aaqqiiffiqineqarnissaat kinguarsaqqinnagit aaqqiiffiqiniartariaqalerpaat, taamatut sulisut avatangiiseqartillugit ukiorpassuarni ingerlasimaneq akuersarneqarsinnaanngilluinnaaqqissaartoq isiginngitsuusaaginnarsinnaanngilarput aaqqissuusseqqittoqartariaqarpoq ESANI A/S atuutinneqalersooq kisimi isumalluutissatut aaqqiissutissatut taamaallat qitiusumiit isigineqarniarnera aaqqiiniarnissamut naamangilluinnarmat.

Sumiiffinni amerlasuuni eqqaavilerisut anartarfilerisullu pausertarfeqanngillat, atisaminnik sullisinik taarsiisarfeqanngillat allaallu uffartarfeqaratik taamaasillutik sullisitik minguttut peqqinnangilluinnartut angerlaattarpaat, tamakkulu sulinermi atugassarititaasunut naapertuutinngilluinnartut ukiorpassuannagortuni aaqqiiffiqineqartaratik sineriassuatsinni isorartuumi sumiiffippassuarni atuuttut Naalakkarsuisut pitsaanerusumik siunnerfeqarluni aaqqiiffiqinissaat kommuni susasaqartoq taamatullu Kalaallit Nunaanni sullivinnik nakkutilliisut suleqatigalugit aaqqiiffiqinissaanut pilersaaruserlutillu qanoq iliuuseqarfigilertariaqarpoq, nipangiutiinnarlugit atukkat ilungersunartut isiginngitsuusaaginnarneqarnerat qimattariaqalerparput qanoq iliuuseqarnissaq pisiaqavippoq.

Nunaqarfinnut aqqusineqarnikkut ajortorujussuarmik inissisimasooqarpoq tamannalu assartuinermi annertoorujussuarmik ilungersunartumik inissisimaffiusarpoq aammalu atortorissaarutit nungullapallattarnerannut assorujussuaq aningaasartuuteqarfiusarpoq, taamaammat eqqagassat anartarfiillu



assartorneqartarnissaanut aqqusernit aamma pingaaruteqarmata tulleriaarinikkut taakku suliarineqarnissaat pingaartorujussuurtut inissisimasiaqartut ilagaat.

Taamaammat Naleqqamiit isumaqarpugut ESANI A/S kisimi aningaasanik tapertarnagu taamatullu kisimi aningaasalersornagu aamma nunaqarfinnut iluaqutaasussamik aqqusineqarnikkut aqqiisarnissamut qitiusumiit aamma tapiisarnert ingerlanneqarnerusariaqarput, taamatullu atortorissaarutit nunaqarfinnut naleqquttut soorlu fire hjul-it kisimik akikinnersiorluni inissisimaffigijunnaarlugit kramerinik allanilluunniit nunaqarfinnut tulluuttunik aqqiisutissanik tapiisinnaalertariaqarpoq qitiusuniit kommunit tamanna kisimiillutik kivissinnaanngilaat ingammik maannakkutuut nunaqarfinni ukiorpassuarni aqqusernit nutarterneqaratillu inerisaaffigineqarsimanngitsut eqqarsaatigalugit immikkut qanoq iliuuseqarfigisariaqakkat tamakku ilagilluinnagaat ilanngullugit suliarineqarnissaat Naalakkersuisut uukkatarinerusariaqarpaat peqataaffiginerusariaqarpaallu.

Naalakkersuisunaa sineriammi illoqarfinni mikinerusuni taamatullu nunaqarfippassuarnilu eqqaaveqarnikkut ilungersunartorujussuarmik inissisimasoaqarpoq, tamanna isiginngitsuusaaginnarsinnaangilarput qanoq iliuuseqartoqartariaqarpoq taamaamallu siunnersuuteqartup siunnersuutaanut tamakku suliat aallartittariaqartut ilanngullugit suliarineqassasut sakkortuumik Naalakkersuisunut kaammattuutigalugit siunnersuuteqartup siunnersuutaa Ataatsimiititaliamut susassaartumut sukumiisumik suliarineqarnissaa ingerlatseqqipparput qanoq iliuuseqartoqartariaqarmat kommuni kisimi isumalluutiginiarneqarnera qimanneqartariaqalermat ESANI A/S kisimi isumalluutit inissisimaffigijunnaarlugu qanoq iliuuseqartoqataariaqalermat.

Taamatut oqaaseqarluta eqqaaveqarnikkut avannaani ilungersunartorujussuarmik inissisimaffiulersimasumi siunnersuummut Naleqqamiit oqaaseqaateqarpugut.